

# Zuraida terlibat buat keputusan

Oleh YULPISMAN ASLI  
pengerang@utusan.com.my

■ PUTRAJAYA 25 JUN

**K**EMENTERIAN Lembaga Disiplin PKR untuk tidak memecat Ketua AMK Santubong, Haziq Abdullah Abd. Aziz dibuat secara kolektif dan turut melibatkan Naib Presiden PKR, Zuraida Kamaruddin.

Menurut Setiausaha Agung PKR, Datuk Seri Saifuddin Nasution Ismail, Zuraida terlibat dalam mesyuarat yang membincangkan isu pengakuan terbuka Haziq Abdullah Abd. Aziz terlibat dalam video seks bersama lelaki mirip seorang menteri, didakwa Timbalan Presiden PKR, Datuk Seri Mohamed Azmin Ali.

Jelas beliau, isu itu dibentangkan oleh Lembaga Disiplin parti dan dibincangkan secara pro dan kontra dengan parti

"Jadi, adalah lebih baik keputusan itu dihormati sebab kita (Zuraida) adalah pihak yang ikut sama membuat keputusan."

**SAIFUDDIN NASUTION ISMAIL**



akhirnya membuat keputusan secara kolektif untuk tidak memecat Haqiz Abdullah.

"Komen saya berasas kepada Lembaga Disiplin membuat keputusan membabitkan Zuraida sendiri.

"Sangat jelas, (isu) dibentang oleh Lembaga Disiplin, dibahas-kan ada yang pro dan kontra, akhirnya dipersetujui bersama.

"Jadi, adalah lebih baik keputusan itu dihormati sebab kita (Zuraida) adalah pihak yang ikut sama membuat keputusan," katanya kepada pemberita di sini hari ini.

Beliau ditemui selepas mesyuarat Majlis Tindakan Sara Hidup Negara Bil. 3/2019 yang dipengerusikan oleh Timbalan Perdana Menteri, Datuk Seri Dr.

Wan Azizah Wan Ismail.

Saifuddin Nasution diminta mengulas kenyataan Zuraida semalam bahawa beliau akan memecat Haziq Abdullah jika beliau adalah Presiden PKR.

"Nasib baik bukan saya presiden, kalau tidak, saya dah pecat dia (Haziq)," kata Zuraida.

Tegas Zuraida, pendiriannya amat jelas iaitu pimpinan parti perlu memecat Haziq Abdullah, namun barisan pemimpin PKR masih mahu mengikut perlembagaan parti termasuk meminta lelaki itu memberi surat tunjuk sebab dalam tempoh 14 hari.

Ditanya sama ada tindakan disiplin akan dikenakan ke atas Zuraida berikutan kenyataan beliau itu, Saifuddin Nasution berkata, perkara itu akan dibincangkan dalam mesyuarat Biro Politik yang akan datang.

"Kita ada mesyuarat minggu-an, hari Rabu. Kita belum buat mesyuarat (belum ada apa-apa

tindakan)," katanya.

Dalam pada itu, mengenai peralihan jawatan Perdana Menteri daripada Tun Dr. Mahathir Mohamad kepada Presiden PKR, Datuk Seri Anwar Ibrahim, beliau berkata, keputusan pada 7 Januari 2018 yang disepakati oleh keempat-empat parti gabungan Pakatan Harapan (PH) dalam konvensyen PH, masih lagi terpakai sehingga kini.

Jelasnya, keputusan itu menyatakan bahawa jika PH menang pada Pilihan Raya Umum Ke-14, Dr. Mahathir akan diangkat sebagai Perdana Menteri, Dr. Wan Azizah sebagai Timbalan Perdana Menteri dan Anwar bakal Perdana Menteri.

"Ketetapan 7 Januari (2018) adalah ketetapan yang kekal hingga sekarang, selebihnya kita serah kepada kebijaksanaan Perdana Menteri dan Anwar," katanya.